



OPĆINSKI NAČELNIK

MUNICIPALITY MAYOR

Broj: 09-14-1929/18

Velika Kladuša, 06.08.2018. godine

Na osnovu člana 70. Zakona o javnim nabavkama BiH („Službeni glasnik BiH“, broj: 39/14), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu Konkurentskog postupka prikupljanja ponuda za javnu nabavku radova „Rekonstrukcija, modernizacija i asfaltiranje puta Grabovac-Mašinovići“ za potrebe Općine Velika Kladuša, a na osnovu preporuke Komisije za javne nabavke, Općinski načelnik Općine Velika Kladuša, donio je;

ODLUKU **o dodjeli Ugovora**

1. Ponuda grupe ponuđača „JKUP Komunalije“ d.o.o. Velika Kladuša, sa „AS-Gradnja“ d.o.o. Velika Kladuša, proglašava se najpovoljnijom, te se imenovanom Ponuđaču dodjeljuje Ugovor o nabavci radova „Rekonstrukcija, modernizacija i asfaltiranje puta Grabovac-Mašinovići“.
2. Ugovorni organ će istovremeno uz ovu Odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke, u skladu sa članom 71. Zakona o javnim nabavkama BiH.
3. Po pravosnažnosti ove Odluke, Ugovorni organ će pozvati izabranog Ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i Zakonskim propisima koji regulišu postupke ugovaranja.

O b r a z l o ž e n j e

Na osnovu Obavještenja o nabavci, broj: 299-7-3-51-3-11/18, objavljenog na stranici Agencije za JN od 20.07.2018. godine, i provedenog **Konkurentskog postupka** prikupljanja ponuda radova „Rekonstrukcija, modernizacija i asfaltiranje puta Grabovac-Mašinovići“, prema specifikaciji navedenoj u tenderskoj dokumentaciji, proveden je postupak prikupljanja ponuda, analize i ocjene ponuda.

Analizom ponuda, primjenom kriterija „najniža cijena tehnički zadovoljavajuće ponude“, Komisija je Izvještajem, broj: 09-14-1929/18, od 03.08.2018. godine, utvrdila rang listu, shodno kojoj je:

- prvoplasirana i ekonomski najpovoljnija ponuda grupe ponuđača „JKUP Komunalije“ d.o.o. Velika Kladuša, sa „AS-Gradnja“ d.o.o. Velika Kladuša, sa cijenom od 72.784,93 KM bez PDV-a, te da ista u ekonomskom i tehničkom smislu u potpunosti zadovoljava zahtjeve Ugovornog organa, pa je shodno tome data preporuka da se donese Odluka o dodjeli Ugovora navedenoj grupi ponuđača.

Ponuda ponuđača „I-SELIMOVIĆ“ d.o.o. iz Cazina, nije prihvatljiva za Ugovorni organ zbog toga što:

1. Uvidom u ponudu dostavljenu od strane ponuđača „I-SELIMOVIĆ“ d.o.o. Cazin, ustanovljeno je da isti ne ispunjava sve uvjete propisane u tenderskoj dokumentaciji u stavci tehničke i profesionalne sposobnosti iz tačke 7.2 koja navodi da „Asfaltne baze iz kojih se koriste asfaltne mase moraju imati upotrebnu dozvolu po Zakonu o građenju“.

Ponudač nije zadovoljio kvalifikacijske uslove definisane tačkom 7.2. tenderske dokumentacije koji se odnose na tehničku i profesionalnu sposobnost koja garantira uspješnu realizaciju ugovora a u vezi primjene odgovarajućih odredbi člana 51. Zakona o javnim nabavkama BiH jer u cilju dokazivanja da na raspolaganju ima asfaltnu bazu kao dokaz nije dostavio Upotrebnu dozvolu za asfaltnu bazu izdatu u skladu sa odredbama Zakona o građenu, kako je to zahtijevano tačkom 7.2. t.d. niti kao dokaz iz tačke 11.3. td. kojom je navedeno šta se smatra dokazom o posjedovanju tehničke opreme kao i asfaltne baze. Dostavljeno Rješenje Federalnog ministarstva energije, rudarstva i industrije broj: 09-18-139/00 od 26.05.2000. godine ne odgovara traženim uvjetom te isti Ugovorni organ ne može prihvatiti kao dokaz zahtjevan tenderskom dokumentacijom.

2. Isto tako isti ponudač nije dostavio dokaz da ima stalno uposlenog 1 (jednog) dip.ing.građ, sa 3 godine radnog iskustva u struci i položen stručni ispit, kako je traženo u tački 11.3. b). Dostavljeni Ugovor o angažmanu zaključen između ponudača i Banjac Zorana ne predstavlja prihvatljiv dokaz o ispunjavanju zahtijevanih uvjeta iz tačke 11.3. b) t.d. Dostavljeni dokazi na ime Salkić Amir i Pilipović Milan nisu prihvatljivi za Ugovorni organ budući da imenovani nemaju zahtijevane uvjete u pogledu stručne spreme i dokaza o radnom iskustvu.

Shodno navedenom i cijeneći da je riječ o uslovima koji predstavljaju bitni aspekt ponude, komisija zauzima stav da ponuda ponudača „I-SELIMOVIĆ“ d.o.o. iz Cazina, nije potpuna i ne ispunjava zahtjeve iz tenderske dokumentacije, istu smatra neprihvatljivom za Ugovorni organ te nemože biti predmet daljnjeg vrednovanja.

Cijeneći navedeno odlučeno je kao u dispozitivu.

UPUTA O PRAVNOM LIJEKU: Svaki ponudač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 dana od dana kada je primio Odluku, odnosno obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač: Fikret Pajazetović
Kontrolisao: Sulejman Silić

DOSTAVLJENO:

1. Svim učesnicima postupka,
2. Komisiji za nabavke,
3. U spis,
4. A/a.



OPĆINSKI NAČELNIK
Fikret Abdić, dipl.ing.